

# BUNITA MONEDA DI 25 FLORIN AWOR DEN CIRCULACION NA ARUBA

**ORANJESTAD (AAN):** Tur cos ta cla pa emision di un moneda special di Aruba cu e imagen di tortuga blanco, manera cu tin riba e biyete di banco di 5 Florin di Aruba.

Generalmente ta conoci cu e tortuga ta un di e especie nan di animal amenza. Mundialmente campanan ta worde hiba algun aña caba pa rescata e tortuga di extincion. Den e cuadro aki Gobierno a dicidi pa trata di duna un contribucion na e subsistencia di e especie aki door di emiti un moneda special cu e imagen di e tortuga blanco igual na esun riba e biyete di banco di 5 Florin di Aruba. Ademas ta worde logra cu esaki cu e fauna di Aruba ta haya mas fama internacional.

E banda dilanti di e moneda tin e texto "Beatrix Koningin der Nederlanden", cu e imagen di e perfil di Reina Beatrix cu ya ta riba e monedanan existente. E otro banda tin e texto "Aruba, 25 Florin" cu e imagen di dos tortuga y motibonan decorativo precolombiano di Aruba.

E moneda tin un balar nominal di 25 Florin, ta rondo, tin un diametro di 38 milimetro, ta pisa 25 gram y a worde traha di plata, caliber 925/1000ste.

E moneda ta un diseño di e artista Arubano Evelino Fingal y e artista Britanico John Lobban.

Como moneda los, e moneda di tortuga ta obtenible den e calidad normal di circulacion y den e calidad halto di "proof". Ademas e moneda aki ta obtenible den e calidad special di "fleur



de coin" den un set empaqueta hopi atractivo hunto cu e biyete di 5 Florin.

E monedanan ta obtenible for di awe na e siguiente adresnan: "Calidad di Circulacion" na Banco Central di Aruba.

"Calidad di 'proof' y

calidad di 'fleur de coin' den set cu biyete" na Banco Central di Aruba, Banconan Comercial, y Caribbean Mint.

E moneda den calidad di circulacion ta worde bendi pa 25 Florin y esun den calidad di "proof" pa 80 Florin. E set cu e

moneda den calidad di "fleur de coin" y e biyete di banco ta costa 90 Florin.

Caracteristico di e monedanan special ta cu solamente un cantidad limita ta worde traha. Gobierno a stipula cu lo traha maximalmente 30.000 di e

monedanan di tortuga aki.

Riba e fotonan aki por mira con bunita e monedanan aki ta. Seguramente nan ta forma un bunita regalo pa cualkier persona cu sa balariza algo asina. Masha pabien Aruba cu e monedanan!

**Probecha di**

**E BENTA DI AÑA**

April 1, 1997